


日本漢文學百家集

王焱 編

164



YSP
北京燕山出版社

王焱 主編

日本漢文學百家集
164



北京燕山出版社

第一六四册

蹈海集遺 上下卷 服部仲英著 寬政十一年……………一

五山僧詩集 一卷 有馬賴僮著……………八七

滄洲先生詩集 六卷 新井滄洲著 寬政二年……………二二七

踏海集遺

上

蹈海集遺目錄

七言古詩三首

五言律詩三十九首

七言律詩二十三首

五言絕句十一首

七言絕句四十七首

序二首

銘二首

贊三首

題跋一首

臨江集遺目録

墓銘一首

書牘三首

臨海集遺目録畢

蹈海集遺

攝津服元雄仲英 著

男 立仲山 校

七言古

哀哀行

哀哀婦人何所苦。半夜自經道傍樹。縈縷之衣首如蓬。雙袖斷割應有故。身死魂去問無緣。纖手垂垂行人顧。忽聞草間兒啼聲。嗟嗟斷續一哀慕。雙袖在茲當襁褓。覆藉慙慙障風露。計畫無復徒爾爲。胡然盡意護此兒。母子恩情目如見。想得昨夜訣別時。心肝

摧裂仰天訴，嗚咽相雜。祝兒辭，河漢耿耿，星辰列彼。
蒼蒼者，那得知明朝收得。能代我推燥居濕，知是誰
衣可割，恩不可割。棄去還顧，擇處移命，可絕恩不可
絕。縱死何忍，斯須離死而有知，應屍視遺骸，猶似立
忘。疲生前不知何人，婦身後唯知此兒。母路人雨泣，
何忍看兒也。汝知母恩否。

海門尊者萬松山例住畢，非心尊者爲代。

今茲二尊宿同歸西京龍寶山，爲歌奉贈。

萬松之山鬱蕭森，梵閣高表東海濤。大塊噫氣鼓群
有松聲常雜海潮音，二師西來聊寄跡。于喁同稱不

住心。心印本比龍領寶。相持並照光彩深。此寶何用。
向人投歸去。各自藏故丘。逝矣西天從不得。白雲明
月歲云秋。

贈廓然翁

翁也遠。自藝海來。飄飄風骨。矍鑠哉。自言七十今少。
一昏耄未嘗及我。催家事斷了。已幾歲。那得復蒙世。
塵埃。此身無累。優遊足人間。利達酒一杯。名山大川。
性所愛。何處山川不徘徊。輕舉雲裝。踏海年。我曹傾。
蓋此周旋。猶將足跡遍東極。遙望奧海松島天。與有。
松島藝巖島。東西各處路三千。山海明美皆仙境。奇。

絕由來天下傳，不知斯境孰爲勝。到日應須定後先，
太平逸民多遠興。蹈海何必比魯連，遼廓乾坤與心
是翁也，恰好稱廓然。

五言律

詠秋扇

漢宮秋已至，悽斷美人魂。奈此機中素，看辭掌上恩。
涼飈顏自掩，曙月影空存。憶爾昭陽宴，曾將舞袖翻。
秋夜鱗長公子書堂飲得清字

已喜同斯習，朋來倒屣迎。秋光懸月露，夜坐自淒清。
秉燭談何盡，傳觴詠且成。醉中頻擁鼻，休笑浴諸生。

歲杪俊靈上人寮舍集時山仲瑟至自西
肥得歡字

稍覺風塵遠，從他歲月闌。
空居元自靜，淨侶此相看。
故舊襜袍在，冰霜白日寒。
俱斟一樽酒，無恙昔時歡。
智乘院集彥藩諸子携饌具時種元珉將

歸藩得池字

豈須香積給，杯椀坐來移。
院靜招提境，庭廻漉沍池。
故人同載酒，今雨此催詩。
不上河梁去，相携賦別離。

白雲臨酒

濁酒開窻下，白雲幽壑隈。
山齋兩不厭，竟日對徘徊。

氣色纔通戶，氤氳忽逼杯。唯應侵醉夢，非是向陽臺。
答士寧見贈

契濶非千里，交遊彼一時。雲霄君有路，髮髮我爲絲。
呂駕寧違舊，嵇琴更向誰。知音三十歲，無日不相思。
春盡雨中過，飲宮大夫公輔。邠居時公輔。

西歸期已近

鶯花三月盡，細雨晝如烟。邸舍逢迎密，酒杯各自傳。
青峰新樹色，紫海故園天。爲道夙期近，令人惜此筵。

擬某經 崇德帝陵下之作

空山陵寢寂，弔古此相尋。無奈北辰坐，遠移南海濔。

靈宮叢樹合，鬼谷瘴雲深。
杜宇休啼血，聲聲愴戲心。
詠貧士

將見魚生金甌中，塵已多。
妻孥常凍餒，事業總蹉跎。
四壁元吾分，五窮如爾何。
蕭蕭霖雨裏，空唱子桑歌。
新晴得至字

新晴迎旭日，庭樹影爭至。
鳥語聽偏好，山光亦自異。
茅檐猶有滴，竹塢看添翠。
著屐出柴扃，徘徊愜幽意。
長安立秋

紫陌涼秋至，金天赫暑殘。
清商歌管響，一夜滿長安。
上苑星河耿，西宮月露寒。
班姬情更切，深坐掩齊紈。

邊城落日

虞淵杳無際，餘照掛旌竿。絕塞秋天敞，孤城暮色寒。
故園疑近遠，征客望長安。更有烽光繼甘泉，夜夜看。

故宮月

桂殿笙歌斷，寒蟿響自哀。長廊人不見，靜夜月空來。
草露清輝亂，秋霄爽氣回。因思昔時宴，妙舞影徘徊。

長安有狹斜行送福長民西上

行矣長安道，長安有狹斜。此遊酬宿志，正好倚繁華。
宮闕氤氳色，春風十萬家。知君投跡處，容得幾人車。

春夜宴枕流亭得前字

桃李成蹊，虎杯樽秉燭。前夜遊真，有樂春興好。相憐
戶外流，偏近牆東響。自傳豈唯堪洗耳，酒渴漱潺湲。

矢田部大夫從

王駕登日光山有此寄

從官君受命，羽旆發東臯。慧日光輝滿，神山氣色
高。法筵龍象集，祀事我

王勞。莫是雄文似，更堪揮彩毫。

驪山春望

梵宇驪山裡，春晴眼界殊。磴懸緣翠壁，林繞接青蕪。
芳樹色偏合，迸泉聲自孤。猶貪遊眺好，擇處命行廚。

哭子向

松柏常住 邑別有夜臺
春是子向臨終之語

已矣今如何斯人卽長暮風流有酒卮事業唯詞賦
夢幻百年身蕭條數尺墓他時松柏色看爾稱常住

思歸引贈田髦士

唱出思歸引哀絃向爾操夜啼鳥自切春望客空勞
南北傳書少風烟陟岵高歸兮期在近此思好爲陶

古佛原

化鶴誰能至蕭森松柏中新碑將舊隴暮雨復秋風
白日終難見冥途杳不窮夜來燐火冷宿草鬱成叢

山行遇雷雨